

NUNANUT ALLANUT MINISTEREQARFIK

JTMR j.nr. 28.C.28.a.30-5

Inuit pisinnaatitaaffiit Institutti – Danmarks Nationale Menneskerettighedsinstitutioni pillugu inatsisip Kalaallit Nunaanni atuutilersinnissaanik kunngip peqqussutissaatut missingiummut **oqaaseqaatit**

Inuit pisinnaatitaaffiit Institutti – Danmarks Nationale Menneskerettighedsinstitutioni pillugu inatsit Inuit pisinnaatitaaffiit Institutti – Danmarks Nationale Menneskerettighedsinstitutionip pilersinneqarnissaanut tunngavissiivoq.

Dansk Center for Internationale Studier aamma Menneskerettigheder instituttii marluk Institut for Menneskerettigheder aamma Dansk Institut for Internationale Studier ilanngullugit inatsisikkut atorunnaarsinneqarput, massakkullu Inuit pisinnaatitaaffiit Institutti atuuttoq instituttit namminersortut pilersinneqarpoq. Inuit pisinnaatitaaffiit Institutti naalagaaffimmi inuit piginnaatitaaffii pillugit instituttivoq, suliffeqarfiup naalagaaffimmi inuit piginnaatitaaffii pillugit piginnaatitaanera pingaarutaalu nukittorsarneqassaaq erseqqinnerulersinneqassallunilu taamatullu naalagaaffinni inuit piginnaatitaaffiini killiffisat pillugit FN'ip Parisimi isumaqatigiissutaa naapertorlugu piumasqaatit annertusiartortut tamakkiisumik naammassineqartarnissaat qulakkeerneqassaaq.

Danmarkimi inuit piginnaatitaaffiit tunngasut instituttip nakkutigissavaa tamannalu pillugu nalunaarusiortassalluni. Inatsit taanna, Parisimi isumaqatigiissut malissagaanni, nunagisami instituttip suliassanut pingaaruteqarluinnartussaavoq, instituttulu manna tikillugu isumaqartuaannarsimavoq suliassaq taanna inatsimmi siusinnerusukkulli atuuttumi aamma ilannguneqarsimasoq. Inatsit Kalaallit Nunaanni atuutilersinneqarpat Institutti sulianik Kalaallit Nunaannut tunngasunik aamma suliqarsinnaalissaaq.

Inatsimmi erserpoq institutti pisortat ingerlatsinerata iluani suliffeqarfiusoq imminut pigisoq taamaalillunilu pisortat ingerlatsinerat pillugu inatsiseqartitsinermut atuuttumik atuuffeqarpoq, soorlu makkununga ittuni; pisortat ingerlatsernerannut inatsit, pisortat ingerlatsinerat pillugu paasitinneqarsinnaaneq pillugu inatsit, Folketingip Ombudsmandia pillugu inatsit, naalagaaffiup naatsorsuuserisoqarfia pillugu inatsit il.il.

Suliaqarfiup siulersuisui 14-ussapput, taakkunanga ilaasortat arfinillit Inuit pisinnaatitaaffii pillugit Siunnersuisoqatigiinnit, Rådet for Menneskerettighederinit toqqarneqassallutik, ilaasortaq ataaseq Københavns Universitetip rektoriant toqqarneqassalluni, ilaasortaq ataaseq Aarhus Universitetip rektoriant toqqarneqassalluni, ilaasortaq ataaseq Syddansk Universitetip rektoriant toqqarneqassalluni, ilaasortaq ataaseq Aalborg Universitetip rektoriant toqqarneqassalluni, ilaasortat marluk rektoreqatigiinnit toqqarneqassallutik, ilaasortaq ataaseq instituttimi sulisunit toqqarneqassallunui aamma ilaasortaq ataaseq Kalaallit Nunaanni Inuit

Piginnaatitaaffii pillugit Siunnersuisoqatigiinnit, Grønlands Råd for Menneskerettighedinit toqqarneqassalluni. Suliffeqarfiup suliaqarfii, aningaasaqarnera ingerlatsineralu pillugit apeqqutit annertuut tamaasa siulersuisut aalajangiiffigisassavaat ulluinnarnilu aqutsisuusaaq pisortaq tamanut ammasumik allagarseereernikkut siulersuisunit toqqarneqartussaq.

Inuit Piginnaatitaaffiitut Institutti – Danmarks Nationale Menneskerettighedsinstitutioni pillugu Rådet for Menneskerettigheder pillugu inatsimmi aalajangersakkat (§ 3, imm. 4, § 5 aamma § 11, imm. 4 -9) Kalaallit Nunaanni atuutilersinneqassanngitsut siunnersuutigineqarpoq, tassami Kalaallit Nunaata Inatsisartut inatsisaatigut nr. 23, 3. december 2012-meersukkut Kalaallit Nunaanni Inuit Piginnaatitaaffii pillugit Siunnersuisoqatigiit pilersereermagit. Aammattaaq siunnersuutigineqarpoq peqqussummi § 2, imm. 1, nr. 3-mi, erseqqissarneqassasoq, Inuit Pisinnaatitaaffiitut Instituttip inuit piginnaatitaaffii pillugit Inatsisartut, Naalakkersuisut aamma Kalaallit Nunaanni Inuit Piginnaatitaaffii pillugit Siunnersuisoqatigiit siunnersortarsinnaagai. Aamma siunnersuutigineqarpoq peqqussummi § 2, imm. 3 erseqqissarneqassasoq, institutti suliaminik aammalu Kalaallit Nunaanni inuit pisinnaatitaaffiitut tunngasumik Inatsisartunut, Naalakkersuisunut aammalu Kalaallit Nunaanni Inuit Pisinnaatitaaffii pillugit Siunnersuisoqatigiinnut ukiumoortumik nalunaarusiortassasoq. Siunnersuutigineqarportaaq Kalaallit Nunaat EU-mut ilaasortaanginnera pissutigalugu § 2, imm. 2 aamma § 2, imm. 4-mi Den Europæiske Unions Charter Grundlæggende Rettigheder-mut innersuussut Kalaallit Nunaanni atuutilersinneqassanngitsut. Kiisalu siunnersuutigineqarpoq §§ 12-14 danskit inatsisaanni allani kiisalu peqqussummi aalajangersakkami § 14-mi kingunissat pillugit allannguutitalit peqqussummut ilanngunneqassanngitsut.

Dansk Institut for Internationalu Studier pilersinnissanut Inatsit Kalaallit Nunaanni atuutilersinneqassasoq siunnersuutigineqanngilaq, inatsit naapertorlugu nunani issittuni pissutsit, Kalaallit Nunaat ilanngullugu, pillugit ilisimatusaatinik suliaqartarnissamut Institutti piginnaatitsissummik peqarnera pissutigalugu.

Inuit pisinnaatitaaffiitut Institutti – Danmarks Nationale Menneskerettighedsinstitutioni pillugu inatsimmut siunnersuut nr. L 154 ulloq 11. april 2012-mi saqqummiunneqarpoq aammalu Inuit pisinnaatitaaffiinnut Institutti – Danmarks Nationale Menneskerettighedsinstitutioni pillugu inatsisip allanngortinnissaanik inatsisissatut siunnersuut nr. L 197 aamma Dansk Institut for Internationale Studier pillugu inatsit ulloq 20. marts 2013-mi saqqummiunneqarput.